Wee broon birds.

The leopard doesn't often change his spots, and nor does the sparrow often develop brilliant plumage.

Mony are the birds that hop an cheep through bush an tree, but maist are juist the wee broon birds that never catch the ee.

For birds ye'll find o every kind, ower numerous tae mention; but maist are juist the wee broon birds that never get attention.

The michty eagle haunts the craigs, the swan adorns the river, but as for aw thae wee broon birds, nae glance remarks them ever.

Bricht birds o paradise impress, The peacock aye amazes; But peety aw thae wee broon birds, For naeb'dy sings their praises.

What interest lies in wee broon birds? Why bother tae debate them? If there's nae pint in wee broon birds why did the Lord create them?

But scoff nae mair at wee broon birds where-e're they flock an flee; for maist o us are wee broon birds, an such we aye will be.